



Claudii Fleurii Abbatis Historia Ecclesiastica

Ab anno Christi 1351 usque ad annum 1414

Fleury, Claude

August. Vind. [u.a.], 1768

VD18 90118278

§. 62. Carthusiani ad conciliandam Ecclesiæ.

[urn:nbn:de:hbz:466:1-66293](#)

egressus, cum iter æstuosissimo die face- Sæcul. XIV.
ret, per phrenesin perdidit mentem, & gla- A. C. 1392.
dium manu tenens fratrem suum, & in
quos incidebat, omnes insectabatur. Quo
ex morbo, qui dabat intervalla, cum nun-
quam satis convalesceret, ejus tres pa-
trui, Burgundiæ, Biturigum, & agri Bor-
bonii Duces administrandum denuo re-
gnum suscipiebant.

§. LXII.

Carthusiani ad conciliandam Ecclesiæ concordiam adhibentur.

Sub Natalem Domini duo Carthusiani
Regi Carolo attulerunt epistolam Pa-
pæ Bonifacii adhortantis ipsum ad navan-
dam tollendo schismati operam. Erant
forsitan iidem, qui ordinis sui exemptio-
nem Romæ poposcerant, & impetrarant:
ut docent Bonifacii litteræ, in quibus ait:
Traditus est nobis supplex libellus vester Bullar. to. I.
memorans esse aliquos, qui propriam in- Bonif. const.
stituto vestro contemplationem, & tran- 3.
quillitatem turbent ad sua vos tribunalia
evocando, quamvis Ordo vester pridem
sit habitus ab Episcoporum jurisdictione
liber, ac Summæ Sedi proxime obnoxius.
Ut removeatur obtentus omnis, sub quo
molestia vobis in posterum exhiberi possit,
denuo cupientibus eximi per singularem
gratiam nostram annuimus. Suo loco vi- Sup. l. 67.
dimus, Carthusianos ab origine sua exem- §. 56.
ptio-

Sæcul. XIV. ptionem voluisse nullam, ac Episcopo Gra-
A. C. 1392. tianopolitano tanquam Abbati paruisse
 suo. Itaque primus eis titulus exemptionis obvenit per istud Bonifacii IX diploma datum 16 Martii an. 1391.

Ejusdem Papæ ad Regem epistola 2
Spicil. to. 6. Aprilis anno sequente scripta est in hanc
p. 54. sententiam. Scimus te gemere schisma tamdiu discerpens Ecclesiam, ac negligentiā Principum, qui renovare concordiam deberent. Habes præterea cunctas dotes tantum ad molimen necessarias, ortum ex genere antiquissimo, exempla majorum suis de Ecclesia meritis illustrium, ingenium perspicax, animum magnum, corpus firmum, ætatem viridem, judicium matrum, opes ingentes, famam clarissimam. Igitur hortamur te, ac per Christi misericordiam obsecramus, ut causam Dei confessim suscipias, & constanter defendas. At Rex haud leviter mutatus erat, cum has acciperet litteras.

§. LXIII.

Pledititur falsus Episcopus.

M. Chr. Interim Ultrajecti affectus supplicio fuit
Belg. p. 325. deceptor diu pro Episcopo habitus. Erat ex Ordine Minorum, se dicebat Jacobum Juliensem, & falsum per diploma pontificium fecerat, ut crederetur Episcopus esse, ac Florentius tunc Ultrajectinus Antistes ipsum sibi suffraganeum ascis-
 ret.